

www.hallo.gr.ch – plattaforma d'infurmaziun per persunas novarriavadas en 13 linguas

■ En la politica svizra d'integrazion vegn dà gronda paisa a l'intermediaziun d'infurmaziuns a persunas novarriavadas. En il rom da s'incumbensa d'infurmaziun ha il post spezialisà per l'integrazion realizà la plattaforma online plurilingua www.hallo.gr.ch. Sin quella chattan ins infurmaziuns davart temas sco lingua ed integrazion, uffants e giuvenils, lavour, sanadad u abitar. Ella sa drizzat tant a persunas immigradas sco er a vischnancas, a posts spezialisads e posts da cussegliazion, a patrunas e patrunas ed ad outras persunas u instituziuns che vegnan confruntadas en il mintgadi cun dumondas davart l'integrazion u davart la migrazion.

Co funcziuna il sektur da sanadad en Sviza? Co emprenda mes uffant la lingua locala? Tge porti a mai da far part d'ina uniu?



Persunas immigradas han bleras dumondas ed igl è impurtant per ellas da chattar uschè

svelt sco pussaivel ed en moda uschè simpla sco pussaivel las infurmaziuns correspondentes. Sin www.hallo.gr.ch ststattan a disposiziun dapi il 2017 infurmaziuns davart ils temas ils pli impurtants dal mintgadi en las linguas tudestg, rumantsch, talian, franzos, portugais, englais, albanais, arab, serb/croat/bosniac, spagnol, tamil, tigrinya e – dapi il 2022 – ucranais.

Post spezialisà per l'integrazion dal Grischun

Il post spezialisà per l'integrazion (Uffizi da migrazion e da dretg civil dal Grischun) è in post chantunal da consultaziun per dumondas d'integrazion en il sektur da la migrazion. El dirigia e coordinescha l'integrazion sin plaun chantunal e communal. Ultra da quai sostegna el las autoritads chantunals e las vischnancas a realizar lur incumbensas d'integrazion. Tar sias incumbensas tutgi plinavant da colliar las autoritads, las instituziuns e las organizaziuns ch'en activas en il sektur da l'integrazion.

Il post spezialisà è er responsabel per la promozion specifica da l'integrazion en il chantun Grischun e per l'integrazion da persunas ch'en admessas provvisoriam sco er da fugitivas e da fugitivas renconuschids.

En il center da sia lavour stat la promozion da la convivenza paschaivla da la populaziun indigena ed estera en il chantun Grischun.

Cuntegn

Bainvegni en il Grischun
Avais Vus prendi domicil en il chantun Grischun e vulessas Vus As infurmear davart la vita en il Grischun ed en Svizra? Sco agid d'orientaziun chattais Vus qua infurmaziuns impurtantas davart temas dal mintgadi che As faciliteschan l'arriavada en il Grischun.

Viver en il Grischun

Or dal cuntegn: Nua che Vus chattais infurmaziuns davart la permissioen da dimora; co che Vus pudais As participar a la vita sociala e culturala; tge firads ch'i dat en il Grischun; tge che la commembranza en in'unio As porscha.

Temas: Bainvegni en il Grischun – Survista dal Grischun – Permissioen da dimora e reunion da la famiglia – Vita sociala e culturala – Uniuns – Bibliotecas – Senioras e seniors – Firads en il Grischun – Lavour voluntara – Infurmaziuns giuridicas.

Lingua ed integrazion

Or dal cuntegn: Co che Vus pudais emprender la lingua locala; tge purschidas che Vus chattais en il center d'infurmaziun

ziun chantunal per l'integrazion; tge purschidas d'integrazion ch'i dat en il chantun; tge ch'è ina cunvegna d'integrazion.

Temas: Integrazion – Center d'infurmaziun per l'integrazion dal Grischun – Empreender ina lingua – Purschidas d'integrazion – Sistem d'empreender linguas fide – Cumprovas linguisticas – Cunvegna d'integrazion – Discriminaziun.

Lavour

Or dal cuntegn: Tge ch'è impurtant per la tschertga d'ina nova piazza; tge che vegn reglà en in contract da lavour; nua che Vus As pudais drizzar cun dumondas davart scolaziuns e furmaziuns supplementaras; nua che Vus chattais infurmaziuns davart la renconuschienschda da Voss diplom ester; tge che signifga lavour illegala; tge che Vus stuais far, sche Vus perdais Vossa piazza.

Temas: Permissioen da lavour – Plassas libras – Dretg da lavour – Dretg da vacanzas – Salari – Tractament malgist – Dischoccupaziun – Lavour illegala – Furmaziun supplementara – Diploms esters – Emprendissadi per persunas creschidas – Contract da lavour.

Partenadi e famiglia

Or dal cuntegn: Tge furmas da convenienza ch'è acceptadas en Svizra; nua che përs binaziunals chattan infurmaziuns; dretgs e duairs dals geniturs; nua che Vus chattais agid sch'i dat conflicts en famiglia.

Temas: Partenadi – Përs binaziunals e famiglias binaziunals – Maridagia – Reuniun da la famiglia – Dretgs ed obligaziuns dals geniturs – Tgira genituriala – Conflicts – Violenza a chasa.

Uffants e giuvenils

Or dal cuntegn: Co che Vus pudais sustegnair Voss uffant d'emprender la lingua locala; nua che Vus chattais purschidas per la tgira da Voss uffants; co che la scola è concepida en il Grischun; tgi che po gidar tar la tscherna da la professioen; tge ch'è ina scola media.

Temas: Uffants pitschens – Educaziun – Differentas culturas – Cussegliazion – Scola – Sustegn d'uffants da scola – Tscherna da professioen – Purschidas transitoricas – Scola media – Giuvenils immigrads tard.

Sanadad

Or dal cuntegn: Co che Vus chattais in medi da chasa; tge purschidas da sanadad ch'i dat per uffants; tge che Vus stuais far en cas d'urgenza; nua che Vus pudais As infurmear davart gravidanza e naschenschaftscha; co che l'assicuranza da malsausa è regladra en Svizra.

Temas: Viver saun – Esser malsau – Agid en la vegliadetgna – Planisaziun da famiglia – Assicuranza da malsausa – Sanadad sexuala e dretgs – Cas d'urgenza.

Segirezza sociala

Or dal cuntegn: Co ch'il sistem dal dretg d'assicuranza sociala è concepì en Svizra; co che funcziunescha l'assicuranza per vegls e survivents (AVS); co che Vus pudais spargnar per la vita suenter il pensumunament; tgi che survegn supplements da famiglia.

Temas: Sistem d'assicuranzas socialas – Assicuranza per vegls e survivents – Assicuranza d'invaliditad – Assicuranza cunter accidents – Assicuranza cunter la dischoccupaziun – Assicuranza da malsausa – Prevenziun professionala – Prevenziun privata – Assicuranza da maternitat – Supplements da famiglia – Cussegliazion sociala ed agid social.

Abitar

Or dal cuntegn: Co che Vus chattais ina nov'abitaziun; nua che Vus stuais annunziar Voss arriv u Vossa partenza; cuva che Vus midais chasa; pertge ch'i vala



Segirezza sociala – be ina da las numerusas tematicas da la vita da mintgadi, preschentadas a moda bain chapibla sin hallo.gr.ch.

FOTO: MAD

la paina da far in'assicuranza privata da responsablidad; tge ch'è reglà en in urden da chasa.

Temas: Chattar in'abitaziun – Contract da locaziun – Custs da locaziun – Midar chasa – Annunziar l'arriv e la partenza – Assicuranza privata da responsablidad – Urden da chasa – Cussegliazion – Rument.

Finanzas

Or dal cuntegn: Co che Vus avris in conto da banca u da posta; tge pussaivaladas ch'i dat per pajar Voss quints; co che Vus faschais in budget per il tegnairchasa; co ch'il sistem fiscal funczionescha en Svizra; tge ch'è la taglia a la funtauna.

Temas: Conto da banca e da posta – Pajar quints – Finanzas dal tegnairchasa – Debits – Credits da consum – Taglias – Taglia a la funtauna.

Stadi

Or dal cuntegn: Sin tge che sa basa la democrazia en Svizra; tge linguas ch'ils umans discurrans en Svizra; co che funczionescha il sistem politic; tge che signifga il dretg da libertad da creta; dapi cura che l'egalitat da la dunna e da l'um è francada en la constituzion svizra.

Temas: Svizra – Politica – Naturalisaziun.

Traffic

Or dal cuntegn: Quant ditg che Vus dastgaiss manischar en Svizra cun in permess da manischar da l'exterior; co che Vus survegns in permess da manischar svizzer; nua che Vus survegns ina carta dal di favuraivla per la viafier; tge che Vus stuais observar, sche Vus gais cun velo.

Temas: Permiss da manischar da l'exterior – Permiss da manischar svizzer – Examen da manischar – Prender a fit in auto – Traffic public – Ir cun velo.

Cas d'urgenza e purschidas da cussegliazion

Or dal cuntegn: Tge che Vus stuais far en in cas d'urgenza; tge numers d'urgenza ch'i dat en Svizra; tge ch'è la hotiline per cas d'urgenza cun uffants; nua che Vus chattais posts spezialisads e posts da cussegliazion; nua che Vus pudais As drizzar per infurmaziuns giuridicas.

Temas: Cas d'urgenza – Cas d'urgenza cun uffants – Purschidas da cussegliazion – Infurmaziuns giuridicas.

Texts d'exempl

Tge demananza han ins en Svizra?

Tuttina sco en ils auters pajais datti er en Svizra numerosas reglas da cumporta-

ment e demananzas usitadas. Sch'ins las enconuscha, facilitescha quai considerablamain la convivenza cun las Svizzers e cun ils Svizzers.

Punctualität: I vegn spetzà ch'ins arrivia punctualmain tar in inscunter. Quai vala la tuttina per il mund professional, per las autoritads e per occurrentzas privatas.

Sch'ins remartga ch'ins vegn ad avair retard, dat ins in telefon e communityscha quai.

Salidar: En la Svizra tudestga sa dattan las persunas che sa salidan il maun dretg. Tranter amis sa dattan ins per part er trais bitschs sin las vistas (a sanestra, a dretg ed alura puspe a sanestra – u viceversa). Ma attenziun: Quai na vala betg en mintga cas. Il meglier è da dumandar suenter, tge ch'è usità en l'argna regiun.

Inscunter: Sch'ins passa sper insatgi vi en ina pitschna vischnanca, sa salidan ins – er sch'ins n'enconuscha betg la persuna. En citads è quai mo darar il cas.

Visitas: La gronda part da las Svizras e dals Svizzers n'hant betg gugent visitas spontanas tar els a chasa. Il meglier è sch'ins dat in telefon ordavant e sch'ins dumonda, sch'ina visita è giavischada uss.

Avant ch'entrar en l'abitaziun dumondan ins, sch'ins duai trair or ils chalzers.

Invitaziun: Sch'ins vegn envidà a mangiar, èsi in'isanza appreziada da purtar in pitschen regal – per exemplu ina buttiglia vin, tschigullata, in dessert u flurs. Ma attenziun: Tut las flurs n'en betg adattadas (rosas cotschnas mo per parteneris, astras alvas èn usitadas per sepulturas).

A maisa: Avant che cumenzar a mangiar, sa giavischian ins bun appetit. Sch'ins vegn bavi vin, fan ins l'emprim printgas. Ins guarda latiers en ils eglis, dat ils magiels in cunter l'auter e di «viva».

Discurs al telefon: Sch'ins dat in telefon ad insatgi, salidan ins l'emprim la persuna e di ses agen num. Pir lura cumenza il discurs per propi.

Questas demananzas pon variar considerablamain tenor la regiun linguistica u tenor la gruppa sociala. Sche Vus essas malsegira u malsegir en ina situaziun, dumandai suenter. Quai meglierescha la situaziun e Vus inizialis in discurs cun outras persunas.

Co poss jau ma participar a la vita sociala e culturala?

Per s'integrar e per sa sentir bain en Svizra èsi impurtant da sa participar a la vita sociala e culturala. En la gronda part da las vischnancas datti numerosas occurrentzas culturalas, saja quai exposiziuns e referats, represchentaziuns da teater e concerts. Las occurrentzas èn per part gratuitas e libramain accessiblas. Il

meglier faschais Vus d'As infurmear tar Voss collegas da lavour, enconuschiens, parents, amis e vischins.

Plinavant datti en ils quartiers ed en ils virgis lieus d'inscunter, sco per exemplu plazzas da giugar, parcs e bogns publics, nua ch'ins po entrar en contact cun autras persunas.

La Svizra vala er sco pajais da las uniuns. Blera glieud s'engascha en in'uniu per pratigar in hobi cuminaivel. Uniuns datti en tut las spartas pussaivalas: musica, sport, cultura, natira e bler aufer. Per il solit pajan ins ina contribuzion annuala per daventar commember e per pudair traer a niz las purschidas.

Visitar occurrentzas culturalas u far part d'ina uniu èn bunas pussaivaladas per emprender d'enconuscher glieud e per vegnir a savair a medem temp dapli davart la societad svizra e davart il pajais. Uschia pudais Vus er meglier Vossas enconuschienscas da la lingua locala, engondrit la rait da relaziuns ed As frances meglier en la vischnanca.

Co ma poss jau defender cunter discriminaziun rassistica?

En Svizra èsi scumandà d'attatgar u da discriminar publicamain en moda che violescha la dignitat umana ina persuna pveri da sia razza u pveri da sia appartenienti scha ad ina gruppera etnica u religiosa. Er la refusa d'ina prestaziun purschida publicamain è scumandada. Tenor il dretg penal vala la discriminaziun rassistica sco delict uffizial, sche l'aciun capita en la publicita.

La discriminaziun rassistica è in'acciun concreta ch'impedescha la persuna pertutgada u la gruppera pertutgada d'obsevar ses dretgs fundamentalis. Savens vegn ella accumpagnada da diffamaziuns verbals ed ha lieu en differents champs da la vita, per exemplu en connex cun tschertgar ina plazza d'emprendissadi, a la plazza da lavour, cun acceder al martgà d'abitaziuns, en il spazi public, en il sektur da scola, da furmaziun e da sanadad, en las medias.

L'urden giuridic svizzer cuntegna numerosas normas giuridicas che proteggan las persunas cunter la discriminaziun rassistica. Tschertas basas legalas impurtant vegnan preschentadas sin la pagina d'internet da la Cumissiun federala cunter il rassism.

La preschentaziun:
Pagina d'internet www.hallo.gr.ch.

Dapli infurmaziuns:
chatta.ch/?hiid=xx
www.chatta.ch